

**Wednesday, October 8, 2025**

**Time - 2:30pm - 2:35pm**

**AKASHVANI AIZAWL  
REGIONAL NEWS UNIT**

**RTI WEEK**

Larsap General (Retd) Vijay Kumar Singh chuan mipuiten RTI tangkai zawka an hman theih nan RTI ACT chungchang an hriat chian a pawimawh thu a sawi.

He thu hi vawiina Right to Information (RTI) Week, ATI Auditorium-a hmannaah sawiin, Lasrap chuan RTI in a tum ber chu langtlang leh mawhphurhna lak te a ni a ti a, kum 2005 atanga kum 2006 chho a RTI awm tan tirh atang khan mipuite chuan RTI kaltlangin zawhna zawh, thubuai ziah leh thu pawimawh tak dil chhuah chu an thiam chho a ti a, mipuite chuan RTI ACT chungchang leh a awmzia an hriat zel a pawimawh tih a sawi.

***Byte : Governor***

Vawiina RTI Week puala hun hmanah hian Chief Information Commissioner Pu John Neihlaia chuan kalkhawmte lawmna thu sawiin, Pi Lalremsangi Fanai, Falkawn leh Pu Zairemthanga, Luangmual te chua RTI Act chungchanga an tawn hriat te an sawi a, khuallian Larsap General (Retd) Vijay Kumar Singh chuan thu a sawi zawhah RTI hmang tha lawmman a pe bawk.



**MIZORAM TRAVEL FEST-2025**

Tourism Minister Pu Lalnghinglova Hmar-in Mizoramah khualzin an pung nasa hle tih sawiin hemi dawngsawng turin Mizo mipuite an inbuatsaih a ngai a ti.

He thu hi vawiina Aijal Club-a Mizoram Travel Fest-2025 hawannaah sawiin, Tourism Minister chuan kum tam vak lo liamta atang khan Mizoramah khualzin lut an tam hle a, abikin kum 2024 atanga kum 2025 inkarah khan India ram chung leh pawn atanga khualzin zat chu Mizoram a cheng zatve vel an tling niin a sawi a, kum 2024-25-a Sairanga rel a luh hma in khualzin nuai 5, sing 2, sang 4, 784 an awm a, kum hmasa aia a punna chu nuai 3, sang 5,670 niin, zaa 139.05 zetin a pung a ti a, Mizoram chuan zawimuangin India-a khualzin hipna kawngah hma a sawn hle tih a lantir tih a sawi.

Minister chuan Sairanga rel a rawn luh hnuah khualzin an pung leh zual tih sawiin, Mizoram mipuite chuan khualzin te chu engtingge an lo mikhual ang tih te, Mizoram an rawn tlawh duh zel nan engtianga lo inbuatsaih tur nge tih te chu Mizoram Travel Fest-2025 ah hian zirchhuah an tum dawn tih a sawi a, mipuite pawh khualzin te an rawn kal nawn duh nan hnamdang khualzin te lo dawnsawn that a ngai tih a sawi a ni.

## ***Byte: Tourism Minister Pu Lalnghinglova Hmar***

Tourism Minister chuan khualzin ten Mizoram rawn tlawh tura an lo inbuatsaih lawk theih nan uluk taka Tourism calender mumal tak nei turin hma an la mek tih a sawi a, nakkum atang chuan Horticulture Department nen tangkawpin thingtlang khaw hrang hrangah loneitute thlai lawh leh lei Pluck & Pay tih buatsaih te, Lo zawhpui te chu Mizoram mipuite chauh ni lovin state pawn atanga khualzin te tlawh ve chak tura buatsaih zel an tum a ti a, karleh maia Champhaia Hnahsin kut neih turah pawh Champhaia hotel leh homestay bakah tent te chu a full vek tawh a ti a, Mizoram mipuite chauh nilovin state pawn lam atang pawnin kal tum an pung zel dawn a ti a, November thlaah Leitlangpui music festival leh Red bull urban downhill te pawh buatsaih a la ni dawn tih sawiin, December thlaah pawh Winter Festival bakah thil lian tak thlen theih an inbeisei a, hetihlai hian an la puangzar thei lo thung tih a sawi a, hengte hian tualchhung mite ah hlawkna nasa tak a thlen dawn tih a sawi a ni.



### **DISHA MEETING**

District Development Coordination & Monitoring Committee (DISHA) meeting chu vawiin khan District Rural Resource Centre, DRDO, Siaha-ah Mizoram Lok Sabha MP Pu Richard Vanlalmangaiha, DISHA Chairman hova neih a ni.

Lok Sabha MP chuan DISHA meeting chu kum khatah vawi 4 a neih thin tura ruahman ni mahse harsatna hrang hrang vangin neih theih ni thin lo mahse theih chinah a hun taka neih chhonzawm zel tum a ni a ti. Sawrkar Laipui chuan India in zalenna a hmuh atanga a kum 100na, kum 2047 a lo awm turah hmasawn mek ram atangin ram hmasawn nih a tumna, Vikshit Bharat 2047 atan nasa takin a inpuahchah a, DISHA pawh Vikshit Bharat 2047 inpuahchahna atana hmalakna pawimawh tak a ni tiin Department te thawkho a, infinchhuah ho a tul thu sawiin DISHA Meeting chu ngai pawimawh theuh turin a sawm nghal bawk.

Vawiina DISHA Meeting-ah hian Department hrang hrang hnuaia Sawrkar Laipui Scheme kalpui ten an hmalaknate bakah harsatna an neih te sawizauna an nei a, kum 2024-25 chhunga 2nd quarter leh 3rd quarter bika hmalakna leh 2025-26 FY chhunga 1st leh 2nd Quarter inkara Central Scheme te hmalakna thlirho a ni bawk.



### **STATE LEVEL NASHA MukT BHARAT ABHIYAAN**

Vawiin khan SAD Conference Hall, MINECO-ah State Level Nasha MukT Bharat Abhiyaan – Drug-Free India Campaign chungchangah thutkhawm a ni.

He meeting-ah hian Sawrkar laipuiin November-a PM Meet a buatsaih tura Nasha MukT Bharat Abhiyaan hnuaia ruihhlo dona atana hmalakna tur hrang hrangte sawiho a ni a. Member 17 kalin, sawrkar department hrang hrang aiawh te, pensioner aiawh te leh Tlawmngai Pawl aiawh te an tel a ni.

NMBA hian ruihhlo laka thalaite venhim leh a ti tawhte'n enkawlina an dawn theihna tura kawng hrang hranga hmalak chu a hna pui ber a ni a. Tunah hian district zawng zawngah DC te kaihhruaina hnuaiah hma lak chhoh mek niin, November thlaah Prime Minister hovin New Delhi-ah a kharna hun neih tur a ni.



## PM MODI ON GST

Prime Minister Narendra Modia'n thla hmasa ni 22 a GST rate thar apuan chuan mipui te ah hlawkna a thlen mek a, vawiin ah chuan Sikkim ei leh bar a nghawng dan kan tarlang dawn a ni.

Sikkim hi khualzin te hiptu hmun pawimawh tak mai ani a, khualzin te tlawh pawh turin kawng hrang hrang in hma an la a, khualchhawn tha tak tak an nei bawk. Khualzin te riah na hotel leh thil hrang hrang ah GST dan thar ah rate ahniam tak avangin ahma aiin khualzin te pawh an kal nasat rin ani a, heng bakah hian inkalpawhna, ei leh in leh tualchhung thilsiamchhuah te a pun belh beisei a ni a, sikkim a thingpui chingtute pawh in GST rate thar chu an hlawkpui dawn a, ramchhung ah he dan thar hian hmasawna nasa takin a thlen dawn a ni.

